

佛說除蓋障菩薩所問經卷第十二

溪一

菩薩若修十種法者善能說示無顛倒道何等爲十一者應以大乘所度有情即爲宣說菩薩道法不說聲聞道法二者應以聲聞乘所度有情即爲宣說聲聞道法不說菩薩道法三者應以一切智道所度有情即爲宣說一切智法不說緣覺道法四者應以緣覺乘

十五

法所度有情即爲宣說緣覺道法不說一切

智道五者著於我執法執諸有情類如應爲

說空無我法不說我及有情壽者養育補特

伽羅道法六者依著二邊有情即爲宣說離二邊法不說著二邊法七者散亂有情即爲宣說止觀道法不說散亂之法八者愛著戲

論有情即爲宣說真如意法不說愚夫愛著戲論之法九者樂著生死有情爲說涅槃道法不說生死之法十者住邪道有情爲說離其過失荆棘之法不說煩惱荆棘之法善男子菩薩若修如是十種法者即能說示無顛倒道

二經同卷
佛說除蓋障菩薩所問經卷第十三

溪三

之十四卷

溪三

西天譯經三藏朝散大夫譯鴻臚卿等奉詔譯

復次善男子菩薩若修十種法者即得常任妙等引心何等爲十一者善行身念處二者

徐友山

善行受念處三者善行心念處四者善行法念處五者善行境界念處六者善行阿蘭若念處七者善行王都國城聚落念處八者善行名聞利養等事念處九者善行如來施設學門念處十者善斷煩惱及隨煩惱雜染念處善男子云何是菩薩善行身念處謂若善

薩所有身中從我所起罪不善法以其脉慧審細思擇皆悉遠離又復觀察身諸過天下從足心上至頂門筋脉纏縛徧觀其身而悉無我不得暫停敗壞之法是身不淨諸不成熟臭穢可惡衆惡色相共所積集菩薩作是觀時若身中身貪愛諸欲身計我想身所執者是等諸法悉不可得以是緣故與身俱者諸不善法不得自在餘與身俱一切善法而得自在如是名爲善行身念處云何是菩薩善行受念處謂若菩薩作是思惟所有諸受皆悉是苦云何愚人於中顛倒計以爲樂諸愚癡者不識苦樂唯諸聖人悉知是苦菩薩

自能勤行斷苦受已復教佗人亦悉同已如是修學菩薩作是觀時又於彼受不生染愛不起瞋恚自勤行已復令佗人亦如是學如是名爲善行受念處云何是菩薩善行心念處謂若菩薩作是思惟心實無常計執爲常以苦爲樂無我謂我不淨謂淨是心動搖不

得暫停如風輕轉而爲煩惱最初根本亦復爲諸隨煩惱緣開惡趣門破壞善趣又復爲緣生貪瞋癡與一切法爲勝主宰一切法中心爲先導若心有知即一切法亦有所知心如畫師畫諸物像心不見心心能積集善不善業是心循環如旋火輪是心迅轉其猶奔馬心如野火熾然燒心如大水滋長衆物菩薩作是觀時而實其心不得自在諸菩薩者自能調伏心若調伏即一切法悉得調伏如是名爲善行心念處云何是菩薩善行法念處謂若菩薩於不善法如實了知所謂貪瞋癡等及所依止貪之對治餘不善法瞋癡

漢二

對治諸不善法菩薩於是不善法中勤斷除已即能了知一切善法於善法中起心愛樂住正念處而於彼法求所成辦自能行已復教佗人如是修學如是名爲善行法念處云何是菩薩善行境界念處謂若菩薩於諸可意及不可意色聲香味觸諸境界中不生貪

著不起恚心菩薩作是思惟我今不應於此無體相法中而生貪著若生貪者即是愚人具愚癡性是不明了性是不善性如佛所說若生貪者即起染著愚癡計執不能分別善不善法以是緣故墮惡趣中菩薩又作是念我今不應於此空法之中而起恚心起恚心者即不能忍發生瞋恚爲諸聖人之所譏毀同梵行者而共厭棄菩薩作是觀時不爲境壞不著所得菩薩自能行已復教佗人亦如是學如是名爲善行境界念處云何是菩薩善行阿蘭若念處謂若菩薩作是思惟修無諍行及寂靜行是即名爲住阿蘭若處有諸天龍夜叉乾闥婆等佗心通者能知我心及心所法是故我今應當遠離不如理作意及異思惟於一切處亦復常離不如理作意於如理法中起心愛樂增廣修習如是名爲善行阿蘭若念處云何是菩薩善行王都國城聚落念處謂若菩薩入於王都國城聚落之

溪二

三

時當起菩薩所行之行於諸非處皆悉捨離非出家人所應行處亦悉捨離何等是非出家人所應行處所謂王官之舍博奕之會酒肆歡宴歌舞倡妓所住之處及餘一切非出家人所應行處當遠離之而悉不往如是名爲善行王都國城聚落念處云何是菩薩善行名聞利養等事念處謂若菩薩於諸名聞利養等事但爲施主作福田故隨所起心而乃受之然其所受不起貪愛不生取著復不計執不作已有之想不起我所之相隨其所得即與一切有情共之諸苦惱者濟其資養以是緣故乃於名聞利養等事不生高舉不起我慢不恣驕逸菩薩作是思惟諸有名聞利養等事若自若佗暫時所起而不父停以暫起故於一切時及一切處悉無所得誰諸智者於此無常不久不堅不安隱法中生染愛心及生高舉我慢驕逸如是名爲善行名聞利養等事念處云何是菩薩善行如來施

設學門念處謂若菩薩作是思惟所有過去一切如來皆如是學如是學故已成正覺入大涅槃未來世中一切如來皆如是學如是學故當成正覺入大涅槃及現在世一切如來亦如是學如是學故現成正覺入大涅槃以是緣故於此學門起清淨心而生尊敬勤

勇修習如是名爲善行如來施設學門念處云何是菩薩善斷煩惱及隨煩惱雜染念處謂若菩薩以正念故善能了知一切煩惱及隨煩惱雜染等法何因所起何緣所生菩薩悉知如是因起如是緣生以了知故而悉遠離如是名爲善斷煩惱及隨煩惱雜染念處善男子菩薩若修如是十種法者常住妙等引心又善男子菩薩若修十種法者常著糞埽衣何等爲十一者堅固誓願二者謙下其心三者不生疲倦四者離諸有著五者不觀過失六者唯觀功德七者不自讚譽八者不毀謗佗九者戒行具足十者聖賢親近善男

漫一

子云何是菩薩誓願堅固乃至聖賢親近謂若菩薩自有淨信志意具足爲諸如來之所信許設或遇於護命因緣亦不破毀所發誓願能於誓願無所改轉由能堅固彼誓願故即能謙下其心不生我慢心謙下故能以一切人所嫌棄糞埽之物而悉取之取已洗滌治染縫綴不生厭惡而不疲倦不疲倦故隨所作已離諸有著乃至勝業修進得成而能於此糞埽之衣不觀過失雖云此衣壞爛故弊復多蚤虱若被於身而生垢汙菩薩終不觀其過失何故此衣唯觀功德謂此糞埽衣者仙人所服離欲聖者亦悉隨順順聖種故佛讚吉祥佛所稱歎以是緣故不自讚譽不毀謗佗由離自讚不謗佗故即得戒行具足清淨戒具足故一切聖賢之所親近諸佛稱讚及諸菩薩之所守護人非人等而共佐助諸婆羅門及刹帝利一切人民咸來禮敬同梵行者而悉咨嗟善男子菩薩若修如是十

種法者常著糞埽衣

尔時除蓋障菩薩前白佛言世尊諸菩薩者具廣大心何故行斯麤劣行邪佛言善男子菩薩爲護世間隨順轉故乃行斯行善男子菩薩有具大勢力者有不具者爲彼不具大勢力者令起對治未生煩惱故行斯行又善

卷二

五

男子於汝意云何汝謂如來行解爲廣大邪爲淺劣邪除蓋障菩薩白佛言世尊我無此辯不堪酬對所以者何無能測度如來行解之者以如來無法可證無法可見是故如來無有少法可爲行解佛言善男子於汝意云何汝謂如來以何緣故於四大洲中諸人非人及餘劣信解者天龍夜叉乾闥婆等衆中現斯麤劣之行及於彼前稱讚頭陀功德除蓋障菩薩白佛言世尊如來爲欲化度諸有一情故及爲初在大乘菩薩令起對治未生諸煩惱故乃行斯行佛言善男子如是如是諸有大力菩薩爲欲成就化度有情故著糞埽

衣斯亦非爲下劣麤行以是緣故菩薩常著糞埽之衣又善男子菩薩若修十種法者但受三衣何等爲十一者喜足二者少欲三者遠離希求四者離所積聚五者離積聚故無所壞失六者無壞失故離諸苦惱七者離不悅意八者遠離愁歎九者無所受十者勤修習故而得漏盡善男子云何是菩薩喜足乃至勤修習故而得漏盡謂若菩薩隨所得衣便生喜足由喜足故而能少欲以少欲故無所希求離諸積聚無積聚故而無壞失無壞失故即離壞失所生苦惱離苦惱故無不悅意離不悅意故乃無愁歎無愁歎故而無所受無所受故勤行修習乃得漏盡善男子菩薩若修如是十種法者但受三衣又善男子菩薩若修十種法者不隨佗行何等爲十一者不隨貪行二者不隨瞋行三者不隨癡行四者不隨恚害行五者不隨慳嫉行六者不隨我慢行七者不隨求佗知識名稱事行八

者不隨希取利養事行九者不隨恭敬天魔而行十者不隨高舉染愛而行如是名爲不隨佗行善男子菩薩若修如是十種法者即不隨佗行又善男子菩薩若修十種法者常行乞食何等爲十一者爲欲攝受有情故行乞食二者次第而行乞食三者不生疲倦而

選二

六

行乞食四者喜足而行乞食五者爲欲分布而行乞食六者不耽著故而行乞食七者善知量故而行乞食八者爲令善品得現前故而行乞食九者令得圓滿諸善根故而行乞食十者離身想故而行乞食善男子云何是菩薩攝受有情乃至離身想故而行乞食謂

若菩薩見諸有情受苦惱者善根微少爲欲攝受令其具足諸善根故而行乞食菩薩若入城邑聚落行乞食時當住正念端直其身進上可觀威儀有則諸根寂靜如理瞻視繫念善法所行乞食依其次第終不棄捨貧窶之舍而從富乞謂於婆羅門刹帝利長者居

士諸大族舍從一至一次第行乞所獲飲食知量止足唯除異處而悉不往謂異處者惡犬畜家及有新生犢子之舍破壞淨戒墮畜生中能起燒亂之者若男若女童男童女共所嫌棄如是等處皆悉遠離白其次第行乞食故不生疲倦亦無譏毀於彼有情不生染愛不起瞋恚亦不厭棄所得之食隨應而受便生喜足受已還復所居僧坊收其衣鉢盥手濯足於如來像前或如來塔前尊重恭敬作供養已入自舍中以所乞食而爲四分一分授彼同梵行者一分施於貧苦有情一分當施墮惡趣者一分自食菩薩雖受其食不

選二

七

生染愛不起驕逸亦不取著其所受食但爲資養身故亦不令其身極羸瘦亦不沉重何以故若極羸瘦妨修善法若極沉重增長睡眠菩薩爲令善品得現前故隨受食已發起精進離諸懈怠漸當修進菩提分法令得圓滿以其修進菩提分法得圓滿故不起我執

無我執故乃至能以身肉施諸有情善男子
菩薩若修如是十種法者即常行乞食

佛說除蓋障菩薩所問經卷第十三

佛說除蓋障菩薩所問經卷第十四

栗裡經藏說文殊師利大師等奉詔譯

復次善男子菩薩若修十種法者得一坐法
何等爲十一者一坐菩提場中諸魔驚怖而
永不動二者證出世定而永不動三者具出
世慧而永不動四者得出世智而永不動五
者證悟空性而永不動六者如實覺了諸法
而永不動七者得聖道法而永不動八者住
於實際而永不動九者證真如性而永不動
十者成一切智智而永不動善男子此一坐

者是謂一切智座亦名法座是故菩薩一登
其座而永不動是即名爲一坐之法善男子
菩薩若修如是十種法者得一坐法又善男
子

子菩薩若修十種法者常受一食何等爲十
一者不生貪恣二者不起染著所謂一受食
已若時非時餘諸所有資身之食不應受者
不復受之謂酥油石蜜根莖華果種種美味
而悉不受三者若見他人受酥油等諸美味
時不生恚害之心四者不生嫉妬之心五者
菩薩若於非時嬰纏重病所應食者爲療治
故而當受之六者菩薩若有難所應食者
而當受之七者菩薩若於善法有障難時所
應食者而當受之八者菩薩受已不悔九者
菩薩受已不疑十者菩薩隨所受時當作藥
想善男子菩薩若修如是十種法者即常受

第十二

一食又善男子菩薩若修十種法者善住阿
蘭若處何等爲十一者父修梵行二者善解
律儀三者諸根圓滿四者具於多聞五者有
大力能大者離於我執七者猶如野獸八者
身得遠住九者寂靜現前十者無所厭離亦
無愛著善男子云何是菩薩父修梵行乃至